



ს ა ქ ა რ თ ვ ე ლ ო ქალაქ ფოთის მუნიციპალიტეტის მერია



ბრძანება: ბ42.42212788

თარიღი: 05/10/2021

ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით კონკურსის გამოცხადებისა და გასატარებელი ღონისძიებების შესახებ

ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების „შესახებ“ ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების, საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-2 პუნქტის „ლ“ ქვეპუნქტის, „ლიცენზიებისა და ნებართვების შესახებ“ საქართველოს კანონის 26²-ე მუხლის, „საავტომობილო ტრანსპორტის შესახებ“ საქართველოს კანონისა მე-51 მუხლის პირველი პუნქტის „ა“ ქვეპუნქტის და 5² მუხლის მე-2 პუნქტის შესაბამისად

ვ ბ რ ძ ა ნ ე ბ:

1. გამოცხადდეს კონკურსი ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით.
2. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით განისაზღვროს საკონკურსო კომისიის შემადგენლობა:
 - ა) ზაქარია გვრიტიშვილი - ქალაქ ფოთის მუნიციპალიტეტის მერის მოადგილე, კომისიის თავმჯდომარე;
 - ბ) ვასილ თოდუა - ქალაქ ფოთის მუნიციპალიტეტის მერის საფინანსო-საბიუჯეტო სამსახურის უფროლი, კომისიის წევრი;
 - გ) იაგორ რომანაშვილი - ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის უფროლი, კომისიის წევრი;
3. კომისიის თავმჯდომარის არყოფნის შემთხვევაში, თავმჯდომარის მოვალეობა დაეკისროს, კომისიის წევრს, ქალაქ ფოთის მუნიციპალიტეტის მერიის საფინანსო-საბიუჯეტო სამსახურის უფროსს ვასილ თოდუას.
4. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებით განისაზღვროს ქალაქ ფოთის მუნიციპალიტეტის მერიის ინფრასტრუქტურული პროექტების მართვისა და ტრანსპორტის სამსახურის საჯარო მოსამსახურებისგან შექმნილი სამუშაო ჯგუფის შემადგენლობა:

- ა) კახაბერ მაშავა -** ქალაქ ფოთის მუნიციპალიტეტის მერიის ინფრასტრუქტული პროექტების მართვისა და ტრანსპორტის სამსახურის უფროსის მოადგილე, სამუშაო ჯგუფის წევრი;
- ბ) ლელა გოგელიძე -** ქალაქ ფოთის მუნიციპალიტეტის მერიის ინფრასტრუქტული პროექტების მართვისა და ტრანსპორტის სამსახურის, ტრანსპორტის განყოფილების უფროსის მოვალეობის შემსრულებელი, სამუშაო ჯგუფის წევრი;
- გ) წუგზარ ალანია -** ქალაქ ფოთის მუნიციპალიტეტის მერიის ინფრასტრუქტული პროექტების მართვისა და ტრანსპორტის სამსახურის, ინფრასტრუქტულის, წყალარინებისა და მელიორაციის განყოფილების უფროსი, სამუშაო ჯგუფის წევრი;
- დ) თემური ღდიშარია -** ქალაქ ფოთის მუნიციპალიტეტის მერიის ინფრასტრუქტული პროექტების მართვისა და ტრანსპორტის სამსახურის, მშენებლობის ინსპექტირების განყოფილების პირველი კატეგორიის უფროსი სპეციალისტი, სამუშაო ჯგუფის წევრი;
- ე) მიხეილი სარიშვილი -** ქალაქ ფოთის მუნიციპალიტეტის მერიის არქიტექტურის, სივრცითი მოწყობისა და ადმინისტრაციული ზედამხედველობის სამსახურის, ადმინისტრაციული ზედამხედველობისა და გარემოს დაცვის განყოფილების პირველი კატეგორიის უფროსი სპეციალისტი, სამუშაო ჯგუფის წევრი".

5. ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემასთან დაკავშირებული საკონკურსო განცხადება (**დანართი 1**) გამოქვეყნდეს ქალაქ ფოთის მუნიციპალიტეტის მერიის ვებ. ვერდებე <http://www.poti.gov.ge>.

6. განისაზღვროს ქალაქ ფოთის მუნიციპალიტეტის ადმინისტრაციულ საზღვრებში რეგულარულისამგზავრო გადაყვანის ნებართვის გაცემასთან დაკავშირებული, საკონკურსოდ გათვალისწინებული რეგულარული მარშრუტის ნომრები, მარშრუტები მომუშავე (სამუშაო დღე) ავტოსატრანსპორტო საშუალებათა რაოდენობა, სახეობა და მუშაობის დაწყება-დამთავრების დრო და ინტერვალი თანახმად **დანართი 2-ისა.**

7. განისაზღვროს კონკურსის მოწყობის ადგილი, თარიღი და დრო (ქალაქ ფოთი, დავით აღმაშენებლის ქუჩა N12, 2021 წლის 11-12 ნოემბერი 9:00-დან 18:00-ის ჩათვლით), ხოლო საკონკურსოდ წარმოდგენილი ავტოსატრანსპორტო საშუალება შეფასდეს ნებართვის მაძიებლის კონკურსში დაშვებიდან 2021 წლის 01 ნოემბრიდან 10 ნოემბრის ჩათვლით, შესაბამისი გეგმა-გრაფიკის მიხედვით, შემდეგ მისამართზე: ქალაქი ფოთი გეგიძის ქუჩა №12.

8. განისაზღვროს საკონკურსო პირობები, კერძოდ:

ა) „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების მოთხოვნების შესაბამისად.

ბ) ქალაქ ფოთის მუნიციპალიტეტის საკრებულოს 2021 წლის 27 აპრილის N6/11 დადგენილების თანახმად, M3 კატეგორიის იმ ავტობუსებით, სადაც მგზავრობის ფასის გადახდა ხორციელდება ელექტრონული აღმრიცხველი საშუალებების გამოყენებით, 50% შეღავათიანი მგზავრობით ისარგებლებენ ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) მეორე მსოფლიო ომის ვეტერანები და მათთან გათანაბრებული პირები;

ბ) საქართველოს ტერიტორიული მთლიანობის, თავისუფლებისა და დამოუკიდებლობისათვის საბრძოლო მოქმედებების ვეტერანები და მათთან გათანაბრებული პირები;

გ) სხვა სახელმწიფოთა ტერიტორიებზე საბრძოლო მოქმედებების ვეტერანები და მათთან გათანაბრებული პირები;

დ) სამსედო ძალების ვეტერანები;

ე) მკვეთრად გამოხატული შეძლუდული შესაძლებლობის მქონე პირები.

მგზავრობის გადასახადისაგან სრულად თავისუფლდება ქალაქ ფოთში რეგისტრირებული (მცხოვრები) შემდეგი კატეგორიის მოქალაქეები:

ა) 0-6 წლამდე ბავშვები;

ბ) სკოლის მოსწავლეები (24 საათში 2-ჯერ);

გ) ა(ა)იპ „ქალაქ ფოთის მუნიციპალიტეტის სოციალური მომსახურების ცენტრის“ ბენეფიციარები, მედდები და ექიმები.

ტრანსპორტით მომსახურების ღირებულება განისაზღვრება 50 თეთრის ოდენობით.

9. ქალაქ ფოთის მუნიციპალიტეტის საკრებულოს 2021 წლის 13 აპრილის N5/10 დადგენილების დანართი N2-ის მე-4 მუხლის პირველი პუნქტის თანახმად კონკურსში გამარჯვებულმა, ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის განხორციელების უფლების მინიჭებამდე წინასწარ უნდა გადაიხადოს 1 (ერთი) თვის თანხა, ზოლო ერთი თვის შემდეგ ყოველ თვე 1 (ერთი) თვის გადასახდელი თანხის ღდენობით არაუგვიანეს ყოველი თვის ბოლო დღისა, წინააღმდეგ შემთხვევაში, საქართველოს ადმინისტრაციულ სამართალდარღვევათა კოდექსის 135-ე მუხლის (ადგილობრივი საქალაქო რეგულარული სამგზავრო გადაყვანის განხორციელება სანებართვი პირობების დარღვევით) თანახმად ხებართვის მფლობელი დაჯარიმდება 100 (ასი) ლარის ოდენობით.

10. განისაზღვროს კონკურსში მონაწილეობისათვის საჭირო დოკუმენტების ჩამონათვალი, გერძოდ: განცხადება, განცხადებას თან უნდა დაერთოს:

ა) გერძო სამართლის იურიდიული პირისა და ინდივიდუალური მეწარმისათვის მეწარმეთა, არასამეწარმეო (არაკომერციული) იურიდიული პირების რესეტრიდან ამონაწერები;

ბ) ხებართვის მაძიებლის მფლობელობაში არსებული და კონკურსზე წარსადგენი ავტოსატრანსპორტო საშუალების სარეგისტრაციო მოწმობის, ავტოსატრანსპორტო საშუალების პერიოდული ტექნიკური ინსპექტირების (გამოცდა) გავლის დოკუმენტის ქსერონასლები, ლიზინგის ან იჯარის ხელშეკრულების შემთხვევაში ხელშეკრულების ასლები.

გ) დოკუმენტაცია მარშრუტზე განსახორციელებელი საქმიანობის ტექნიკურ-საექსპლუატაციო და სხვა მაჩვენებლების შესახებ, რომელშიც ასახული უნდა იყოს:

გ.ა) მგზავრთა გადაყვანის განსახორციელებლად გამოსახურებელი სატრანსპორტო საშუალების მარკა, მოდელი, ტეგადობა, სარეგისტრაციო და საიდენტიფიკაციო ნომრები, ხნოვანება (გამოშვების წელი).

დ) ხებართვის მაძიებლის მიერ წარმოდგენილი სატრანსპორტო საშუალების შესაბამისი კატეგორიის მძღოლის/მძღოლების მართვის მოწმობა (თითოეული სატრანსპორტო საშუალების მიხედვით);

ე) მძღოლის/მძღოლების ჯანმრთელობის ცნობა (ფორმა N100).

ვ) კონკურსანტი ვალდებულია წარმოდგინოს საკონკურსო პირობებთან ერთად მგზავრთა გადაყვანის სავარაუდო ღირებულების ზედა ზღვარი, რომელიც არ შეიცვლება ხებართვის მოქმედების პერიოდისთვის.

ზ) ხებართვის მოქმედების პერიოდისთვის მგზავრთა გადაყვანის ზედა ზღვრის შეცვლა დასაშვებია მზოლოდ ხებართვის გამცემ ღრგანოსთან შეთანხმებით ფასწარმოქმნის მექანიზმი არსებული ძირითადი კომპონენტების დასტურის საფუძველზე, რომელიც არ იქნება 10%-ზე ნაკლები.

11. საკონკურსო განცხადის მიღება დამთავრდეს, 2021 წლის 26 ოქტომბერს 17 საათზე, (მისამართი: ქალაქ ფოთი, აღმაშენებლის ქუჩა N12).

12. საკონკურსო კომისიის სრული მისამართია ქალაქი ფოთი, დაგით აღმაშენებლის ქუჩა N12;

13. განისაზღვროს საკონკურსოდ წარმოდგენილი ავტოსატრანსპორტო საშუალებების მიმართ წაყენებული მოთხოვნები და კონკურსის მონაწილე ხებართვის მაძიებლის შეფასების კრიტერიუმები თანახმად დანართი 3 -ისა;

14. კომისიამ, სამუშაო ჯგუფის მიერ, საკონკურსოდ წარმოდგენილი სატრანსპორტო საშუალების შემოწმებამდე (არაუგვიანეს 2021 წლის 01 ნოემბერი) დაადგინოს საკონკურსოდ წარმოდგენილი დოკუმენტაციის შესაბამისობა საკონკურსო პირობებთან. აღნიშნული პროცედურის დროს მოწმდება:

ა) სრულად არის თუ არა წარმოდგენილი ყველა საჭირო დოკუმენტაცია;

ბ) შეესაბამება თუ არა წარმოდგენილი დოკუმენტაცია საკონკურსო პირობებით დადგენილ მოთხოვნებს.

15. ხებართვის მაძიებელი უფლებამოსილია დოკუმენტაციის მიღების ვადის დასრულებამდე მოახდინოს დაშვებული შეცდომების, უზუსტობების გასწორება.

16. კომისია ხებართვის მაძიებელთა კონკურსში დაშვების თაობაზე გადაწყვეტილების მიღების შემდეგ, მასალების საჯარო განხილვის მიზნით აქვეყნებს (ვებ. გვერდზე <http://www.poti.gov.ge>) ცნობას, სადაც მითითებული უნდა იყოს:

- ა) არსებული რეგულარული საქალაქო მარშრუტის ნომერი და მასზე სამგზავრო გადაყვანის ნებართვის მისაღებად კონკურსზე დაშვებული ნებართვის მაძიებლ(ები)ს სრული დასახელება;
- ბ) ინფორმაცია საკონკურსო დოკუმენტაციის გაცნობისათვის წერილობითი შენიშვნების და მოსაზრებების წარდგენის ვადების შესახებ;
- გ) კონკურსის მოწყობის თარიღი, დრო და მისამართი (ქალაქი ფოთი, აღმაშენებლის N12, 2021 წლის 11-12 ნოემბერი 9:00-დან 18:00-მდე).

17. ის საკითხები, რომელებიც არ არის დარეგულირებული აღნიშნული ბრძანებით რეგულირდება, ქალაქ ფოთის მუნიციპალიტეტის საკონკურსოს 2021 წლის 13 აპრილის №5/10 დადგენილებით „ქალაქ ფოთის მუნიციპალიტეტის ადმინისტრაციულ საზღვრებში რეგულარული სამგზავრო გადაყვანის ნებართვის გაცემის ფასის განსაზღვრის, ნებართვის გაცემისთვის კონკურსის ჩატარებისა და ნებართვის გაცემის ფასის გადახდის წესის დამტკიცების შესახებ“ და მოქმედი კანონმდებლობით.

18. კონკურსში გამარჯვებული ვალდებულია წარმოდგენილ სატრანსპორტო საშუალებაზე დასასაქმებელი კონტინგენტის (მძღოლების) შერჩევისას უპირატესობა მიენიჭოს ქალაქ ფოთის მუნიციპალიტეტში 2019-2020 წლებში ადგილობრივ ტერიტორიულ საზღვრებში საქალაქო რეგულარულ მგზავრთა გადაყვანაზე რეგისტრირებულ მძღოლების დასაქმებას.

19. ძალადაგარგულად გამოცხადდეს ქალაქ ფოთის მუნიციპალიტეტის მერის 2020 წლის 31 ივლისის N04/994 ბრძანება „ქალაქ ფოთის მუნიციპალიტეტის ტერიტორიაზე ადგილობრივი საქალაქო რეგულარულ სამგზავრო გადაყვანის ნებართვის გაცემასთან დაკავშირებით კონკურსის გამოცხადებისა და გასატარებელი ღონისძიებების შესახებ“.

20. საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, ბრძანება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მის. ქალაქი ფოთი, დავით აღმაშენებლის ქუჩა №3).

21. ბრძანება გამოიკრას საჯაროდ ქალაქ ფოთის მუნიციპალიტეტის ადმინისტრაციულ შენობაში.

22. ბრძანება გამოქვეყნდეს ქალაქ ფოთის მუნიციპალიტეტის მერის ვებ-გვერდზე <http://www.poti.gov.ge>.

23. ბრძანება ძალაშია ხელმოწერისთანავე.

გოჩა კურდღელია

ქალაქ ფოთის მუნიციპალიტეტის მერია-ქალაქ ფოთის
მუნიციპალიტეტის მერი

გამოყენებულია კვალიფიციური
ელექტრონული ხელმოწერა/
ელექტრონული შტამპი

